

præmissum, ac præstantes occupatoribus seu detentoribus ac administratoribus et conservatoribus hujusmodi, auxilium, consilium, vel favorem, singulares personæ, excommunicationis; si vero capitula, collegia, seu conventus, seu universitates exstiterint, et ipsas civitates, castra, villas, et loca quæ in his culpabilia fuerint, ac etiam civitates, castra et loca, in quibus detentores et occupatores hujusmodi dominium obtinuerint temporale, si hujusmodi domini temporales in dimittendo bona prædicta, et restituendo illa magistro et fratribus hospitalis ejusdem, ipsius hospitalis nomine, obstaculum adhibebunt, et infra dictum mensem ab hujusmodi præmissis non duxerint, ut prædicatur, desistendum, tamdiu interdicti per nos latis sententiis subjacere: et nihilominus omnibus bonis, quæ a Romana, vel aliis ecclesiis quibuscumque tenent in feudum, fore privatos, seu privata, per omnia loca in quibus expedire videritis, denunciatis, et faciatis ab aliis nunciari; dictosque excommunicatos arctius evitari, donec super his congrue satisfecerint, et absolutionis meruerint beneficium obtinere: non obstante, si aliquibus a prædicta sit sede indultum, quod interdici, suspendi, vel excommunicari non possint per litteras apostolicas non facientes plenam et expressam, ac de verbo, &c. Contra etiam alios, si qui fuerint, per censuram ecclesiasticam appellatione postposita compescendo. Volumus autem, et apostolica auctoritate decernimus, quod a data præsentium sit vobis, et cuilibet vestrum, in predictis omnibus et singulis, potestas et jurisdictio attributa, ut ex nunc in eis, et eorum quolibet, ita libere procedere valeatis, ac si eadem jurisdictio per citationem vel modum alium perpetuata legitimum exstitisset, et quasi re non integra perpetuata præfata jurisdictio censeatur; quodque unusquisque vestrum, articulum per collegarum suorum aliquem inchoatum, felicitis recordationis Bonifacii Papæ VIII. prædecessoris nostri contraria constitutione cessante, prosequi libere valeat, etiam eodem collega vivente, nec impedimento aliquo præpedito, quoties et quando fuerit opportunum. Datum Viennæ, sexto Nonas Maii, pontificatus nostri anno septimo.

1848.

1312 d. 2 Maj.

Hessleby.

Biskop CARL i Linköping vidimerar Decani och Kapitlets i Upsala föregående skrifvelse om Franciscus Nicolai de Tibertis och hans uppdrag att samla heliga landshjelpen, samt befaller Decanus och Kapitlet i Linköping, att hafva allt i ordning, när han för nämnde ändamål infinder sig.

Orig. på perg. i Kongl. Bibl.

KAROLUS miseracione diuina Episcopus lyncopensis, Dilectis in christo filiis, dominis decano et Capitulo ibidem, salutem et sinceram in domino

caritatem. Noueritis, nos litteras honorabilium virorum, dominorum decani et Capituli vpsalensis, recepisse. tenorem qui sequitur continentes. Venerabili in christo patri &c. *Se föreg. N:o 1843.* Quare volumus et quantum possumus iniungimus quatenus omnem sollicitudinem et diligenciam, sic in dicto terre sancte negocio adhibere curetis, vt cum dominus franciscus, thesaurarius et procurator hospitalis sancti iohannis ierosolymitani, seu fratres memorati pro colligenda dicte terre sancte pecunia venerint, omnia fiant modo debito et congruo prout superius est expressum, In Cuius euidenciam pleniorum sigillum nostrum presentibus est appensum, Datum apud Curiam nostram Hæseleby, anno domini M^o. CCC^o XII^o, in crastino apostolorum philippi et iacobi.

Sigillet föga skadadt i kanterna.

1849.

1312 d. 10 Maj.

Vienne.

Fullmakt för Ärkebiskop Nils af Upsala, att, inom 30 dagar efter hans ankomst till Brügge i Flandern, afgöra tvisten mellan Ärkebiskop Elof och Kapitlet i Throndhien jemte Kyrkoherden Ludvig i Borgund å ena sidan, samt Biskop Arno och Kapitlet i Bergen å andra sidan, angående rättigheten att tillsätta prest i Fahr.

Orig. på perg. i Kongl. Bibl.

IN nomine domini amen, Anno eiusdem, Millesimo, CCC^o, duodecimo, die decima Mensis Maij, iudictione decima, Pontificatus sanctissimi patris, domini Clementis pape V. anno septimo, Cum inter venerabiles patres et dominos, Elawm, dei gracia archiepiscopum et capitulum Nidrosiense, ac dominum ludowichum, Rectorem ecclesie sancti petri, de Borghund, Nidrosiensis dyocesis, ex parte vna et dominum Arnonem, eadem gracia episcopum, et Capitulum Bergense ex altera, super iure prouidendi, ecclesie farensi, et prouisionis facte de dicto ludowico, esset exorta materia questionis, volentes dicte partes super hiis omnibus, et dependentibus ab eisdem ad viam pacis et concordie deuenire, de communi uoluntate, ac sponte et libere sine omni prauitate de predictis controuersiis et aliis omnibus questionibus, et litibus que uertuntur, uel uerti sperantur, seu uerti possent, racione premissorum inter eos quoquo modo, Et in hoc compromisso expressis, et non expressis, idem archiepiscopus, et episcopus, et capitulorum predictorum procuratores, pro se ac dictis Capitulis Nec non et idem archiepiscopus pro dicto ludowico concorditer compromiserunt Et consenserunt de alto et Basso, in venerabilem in christo patrem, dominum Nicholaum, Miseracione diuina vpsalensem archiepiscopum electum, constitutum, assumptum ac ordinatum communiter ab eis, tamquam